

苗疆屯防實錄

第士冊

苗疆屯防實錄

卷十一

苗疆屯防寔錄卷十一

建置沿革

再辰永沅靖道現經給咨赴部引

見所遺印務應行委負接署該道統轄苗疆邊防屯務在
在均關緊要必須精明幹練熟悉情形之員方資治理
湖南各道府

非中

現居要缺卽不諳苗情未便委署惟查

有永綏廳同知蔣紹宗才識精明辦事結定可靠且久
任苗疆於情形極為熟悉以暫委令護理可期勝任所
有永綏廳同知負缺現係候補同知胡廷儀署理毋庸
另委臣等札商定議除檄飭遵照外謹合詞附片具
奏伏乞

聖鑒謹

奏道光五年十一月十四日奉到

硃批着永京赴部引見再降諭旨欽此又附

奏委永綏廳同知蔣紹宗護理辰永沅靖道事務一
同日奉到

硃批知道了欽此

護辰沅道蔣 奏請升補

奏為苗疆道缺緊要恭懇

天恩俯准以熟悉苗情之員升署以資治理事竊照湖南

辰永沅靖道缺出例應在外揀選題補該道統轄三府四

廳一直隸州所屬俱係苗疆且與貴州四川連界邊防

屯務撫馭民苗各事宜在在均關緊要全藉道員總理

量率非熟悉情形才守兼優之員弗克勝任經前督臣

李 札商湖南撫臣康 與藩臬兩司在諮通省知府

中詳加遴選湖南知府九員除永州府知府隆慶永順

府知府吳玉堂欽遵

諭旨赴部帶領引

見長州府知府李如璋甫經補授長沙府衡州寶慶岳州常德沅州各府知府俱到楚年公不久於苗情未能熟悉寔無人地相宜應升之人惟查有在楚年久之永綏廳苗疆同知蔣紹宗才堪勝任旋直調任兩廣却事未及

陳

奏向臣告知臣查蔣紹宗年六十八歲鑲白旗漢軍清太佐領下人由舉人於乾隆五十六年揀發湖南以知縣用補授衡山縣知縣調補攸縣歷署靖州直隸州長沙等縣陞補永綏廳同知丁憂回旂

奏明於服闋後仍發湖南委用服滿到省

題補寶慶府同知調補永綏廳同知道光四年九月內到

任歷經委署衡州辰州各府知府該員老成練達才守

兼優循聲畏暑目前在湖南巡撫任內業經開單

奏保該員在楚三十餘年不特苗疆情形事事熟悉且為

苗民愛戴悅服臣所深知寔堪勝辰永沅靖道之任正

擬援照從前鳳凰廳同知姚興潔陳佐等升署之案會

同撫臣具

奏聞適接部咨蔣紹宗荷蒙

聖恩補授湖北襄陽府知府襄郡界連豫省政務殷繁固

需明幹之員治理第苗疆道缺尤責得人庶免貽誤且

蔣蔣紹宗自道光五年十月間護理辰沅道篆以來經

理屯防邊備約束官兵練勇屯丁撫綏民苗諸務極為

妥善現在湖南省寔無可以升補之員不得不因地擇人以裨邊防雖該員任內有降級留任屬分並無展奏現已奉

旨補授知府原任降留之案例得帶于新任按限開復臣與撫臣往返札商意見相同合無仰懇

天恩俯念辰永沅靖道統轄苗疆員缺緊要准以蔣紹宗升署俟到任一二年後臣與撫臣隨時察看如果始終奮勉經理妥善再行

奏請寔授給咨送部引

見如蒙


俞允所有湖北襄陽府知府請

旨另行簡放臣謹會同湖南巡撫臣康 恭摺具

奏伏祈

皇上聖鑒訓示謹

奏



奏委長沙府知府張護理辰沅道

湖廣總督
湖南巡撫
高康

奏為委署道府篆務循例奏

聞事竊照護理辰沅道事永綏廳同知升任湖北襄陽府知府蔣紹宗委赴攸縣查辦水災事務在途病故業經

照例

題報所遺辰沅道員缺應先行選員委署查有長沙府知府張錫謙辦事認真堪以護理所遺長沙府知府員缺查有署永綏廳同知候補直隸州知州張春源才具明練堪以署理其署永綏廳同知員缺查有候補同知劉重霄堪以接署茲據兩司具詳請

奏前來除分檄遵照外理合會同湖廣總督臣高循例

恭摺具

奏伏乞

皇上聖鑒謹

奏道光六年八月二十八日出奏本年十月十八日奉
到

硃批知道了欽此

乾州廳翟聲煥題陞辰沅道

湖廣總督嵩
湖南巡撫康

奏為苗疆緊要道缺需員援照舊案恭摺籲懇

天恩俯准以熟悉苗情之同知陞署以資治理仰祈

聖鑒事竊照湖南辰永沅靖道員缺前經臣嵩會同臣

康

奏請以升補湖北襄陽府知府尚未赴任之湖南永綏

廳同知蔣紹宗陞署荷蒙

允准惟蔣紹宗旋經病故故經臣康恭疏

題報在案所有辰沅道員缺應另行揀選請補該道統轄

三府一直隸州四廳俱係苗疆地方距省寫遠且與貴

州四川等省連界切邊防屯務換馭民苗各事宜最關
緊要必須幹練誠篤熟悉苗情之員方克勝任臣等與
藩司裕臬司吳於通省知府內逐加遴選俱到楚
年分不久未能熟悉苗情定無人地相宜應升之人溯
查從前辰沅道員缺均因知府中並無堪升之員歷經
前督撫臣以鳳凰廳同知姚興潔陳佐永順府同知張
映蛟先後

奏請升署在案現在竟無合例應升之人自應擇其資
格較深熟諳苗情守潔才優者援案揀選升用查有乾
州廳同知翟聲煥年六十一歲山西舉人捐納知縣揀
發福建試用捐升同知於嘉慶十二年分發湖南歷署

知府同知知縣事務均能辦理妥協前於查辦湘潭縣
商民互鬥案內出力保

奏奉

旨諭遇缺不論繁簡儘先補用欽此奏補今職嘉慶二十
五年十月十七日到任道光三年

大計保薦卓異嗣因苗疆五年俸滿保

題經部議覆以升銜留任註冊奉

旨依議欽此在案該員心地樸實辦事練達在楚有年且係久於苗疆情形最為熟悉自補授乾州廳苗疆同知已歷七年在任經理邊屯各務俱為得力尤能定心撫綏民苗均極愛戴現在苗疆同知內惟該員歷俸最深以之請升辰沅道洵足勝任第以同知請升道員以為越級寔因員缺緊要並無合例人員可以勝任不得不因地擇人臣等往返札商意見相同並據藩臬兩司援照舊案會詳請

奏前來臣謹合詞恭摺 奏懇

聖恩俯念辰沅道統轄苗疆距省窵遠員缺緊要准以乾
州廳同知翟聲煥升署辰永沅靖道如蒙

俞允該員頂戴

鴻慈必倍加奮勉力圖報効於邊防屯務寔有裨益仍俟
二三年後如果始終勤奮經理妥善再行

奏請寔授給咨送部引

見所遺乾州廳同知係苗疆要缺容俟另行揀員請補合
併陳明懇

皇上聖鑒謹

奏 道光六年十一月十三日内閣奉

上諭嵩等 奏請以熟悉苗情之同知升署苗疆要缺